



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1521. usque ad annum 1525

Fleury, Claude

August. Vind. [u.a.], 1769

VD18 90118472

§. 100. Adriani VI. Papæ obitus.

[urn:nbn:de:hbz:466:1-66495](#)

Sacul. XVI. ceret, illum Romanæ beneficiorum Ecclasticon A.C. 1523 curiæ præfecit, ac deum Dertusensem Episcopum nominavit.

§. C.

Adriani VI. Papæ obitus.

Ciacon. in'vit. **PP. tom. 3.** **p. 426.** **Duchesne hist. des Pa-
xes, vie d'A-
dr. VI.** **Guicc. lib. 15**
**Onuphr. in
vit. Pont.** **Oldeinus a-
pud Ciacon.
Val. And.
bibl. Belg.** **Paul. Jov.
in vita**
Adrian. VI. **Le Mire in
bibl. eccl. &
dog. Belg.** **H**ujus electioni haud diu vita super-
stes fuit Adrianus VI. rebus huma-
nis ereptus inclinato jam die decimo
quarto Septembris, (*) postquam vixis-
set annos sexaginta quatuor, menses sex,
dies tredecim, sedisset autem annum u-
num, menses octo, dies sex. Haud in-
grata accidit ejus mors Romanis, qui
animo non tam bono erga illum erant
affecti, sive quod alienigena esset, sive
fastum atque magnificentiam a suis Præ-
decessoribus tantopere quæsitam abo-
minaretur: Unde non raro quereban-
tur, quod tenacior, nimirum, nec prodi-
gus, nec in luxum effusus esset; im-
merito enim hanc calumniam subibat,
eo quod in omnes beneficis extiterit.
Præterea abs dubio Romanis minus ac-
ceptus erat eo ex nomine, quod ad
emendandos Cleri mores toto studio
con-

(*) Ciaconius ejus obitus diem ad vigesimam quartum Septembris refert. Vide anno-
tationem ad §. LXVI.

conversus, multas sustulisset corruptelas, quæ in Curiæ Romanæ officiis, Beneficiorum collationibus, ac reservacionibus, superfluis sumptibus, nec non in Indulgentiarum concessionibus irrepserant: quapropter lætitia, quam Romani ex ejus morte conceperant, illum veneno fuisse sublatum suspicandi argumentum præbuit; attamen nil antiquius habet plebs, quam ut similia de illustrium Virorum obitu suspicetur. Nec deerant tamen, qui eo adhuc viante sæpius palam testabantur, se ejus mortem exoptare, quapropter frequenter ejus vitæ insidias struebant. Ejusmodi exemplum recenset Paulus Jovius his verbis: *Marius Placentinus vir togatus, cum ex sublatis ab Adriano nonnullorum officiorum redditibus privatus esset honestæ vitæ commodis, immane facinus Pontificem confodiendi vecordi animo concepit, ita, ut cum egressurum cubiculo aliquamdiu frustra expectasset, sese demum eodem ferro transverberavit. sive commotæ bilis impetu, sive atrocioris supplicii timore, eoque socius facinoris, cui rem communicabat, nec constituto in loco esset repertus.* Aliud quoque vitæ discrimin subibat, cum quadam die fornix Pontificii Sacelli, quod rem divinam peracturus accesserat, derepente in terram decideret, ac Helvetiorum nonnullos coram eo

Sæcul. XVI.
A. C. 1523.

Z 2 oppri-

Secundum XVI. opprimeret, ubi Præfules, qui Papam
A.C. 1523. comitabantur, sua agendi ratione haud
 obscure demonstrabant, quod eis haud
 adeo ingratum accidisset, si potius Pa-
 pa, quam Helvetii hoc fato occubuis-
 set. Quinimo urbana plebs eo impie-
 tatis est progressa, ut in Dei providen-
 tiā, qua Pontifex vitam suam incolu-
 mem periculo subduxit, execrationes
 evomeret, cum vero ejusmodi sermo-
 nes cujusdam Cardinalis Sacellanus es-
 funderet, adeo non a suo Domino ob-
 jurgationem, debitamque pœnam acce-
 pit, ut potius applausum promereri
 videretur. Verbo, non alia ex caussa
 Adrianus populi invidiam in se concita-
 bat, quam quod publicis conviviis non
 uteretur, sed veluti Religiosus privatim
 vesceretur, atque in omnibus parce, sat-
 que frugaliter viveret, quæ agendi ra-
 tio, cum a suorum Prædecessorum fastu
 longe quidem aliena, Sanctis tamen
 primorum sæculorum Pontificibus ap-
 prime consona esset, hinc plerisque an-
 tam dedit, ut iniquo prorsus judicio
Pallavic. hist. dicerent: *Adrianus fuit sane optimus Sa-*
Conc. Trid. *cerdos ac Christianus, sed Pontifex revera*
l. 2 c. 9. *mediocris.*

§. CL